

貴陽府志

卷(54-55)

貴陽府志卷五十四

知貴陽府事泰和周作楫夢麟

知貴陽府事博白朱德璉綬堂

錄一

漢元文武功績錄第一

秦始皇二十有六年置且蘭縣今貴陽卽其地也及
秦亡而縣廢僅十有五年漢興至武帝建元六年始
置且蘭縣屬犍爲郡自廢不置吏以來七十有二年
矣元鼎五年且蘭君反明年卽滅置故且蘭縣爲牂
柯郡治下迨梁元帝承聖二年而失蓋厯代六厯年

六百有八十八自後歷陳至隋文帝開皇九年復置
莊州凡三十有七年云唐初置莊充應剡矩六州
貴陽蓋莊矩二州地也至明皇天寶三載莊矩諸州
盡廢爲羈縻州上溯開皇置莊州之年爲一百有五
十六年迨兩宋直爲化外州元世祖至元十有七年
設順元路於是復隸版圖距天寶降廢之年五百有
三十七年自是訖於元亡未之或失明太祖洪武四
年始降於明置貴州衛自置路以來九十有二年矣
自洪武四年至今丁未又四百有七十六年又溯秦
始皇二十又六年訖今二千有六十八年隸版圖爲

內地者一千有四百二十七年爲化外疆廩者六百
有四十一年其間兩漢牂柯郡治故且蘭晉宋治萬
壽齊梁治且蘭且蘭今貴陽萬壽則石阡也而唐之
牂柯州亦在平石之交故采具漢牂柯郡職元順元
路官冠以命將殿以使臣都爲一錄而晉唐之牂柯
郡職亦附焉

漢

唐蒙

馳義侯遺

郭昌
衛廣

吳霸

陳立

謝暹

張亮則

劉龐

費詩

馬忠

附晉

附唐

毛楚

謝恕

牛騰

元

阿里海牙 五抹狗狗

李德輝

愛魯 脫力世官

也速答兒

帖木脫幹

張孝忠

張萬家奴
塔海帖太兒

忙古帶
榮刺海

塔海

速哥

幹羅思

劉繼昌

禿魯古
劉德祿

張懷德

張宏綱

劉國傑

牀兀兒
不蘭溪

八刺
也先忽都魯

阿塔赤
宋光

汪惟勤
楊賽四不恭

移刺四奴

別兒怯不花

乞

住完

何成祿

廖志賢

馮夢弼

曹伯啓

那

游

唐蒙初爲番陽令大行王恢之擊東越也東越殺其王郢以歸漢恢因兵威使蒙風曉南越南越食蒙以蜀枸醬蒙問所從來曰道西北牂柯江牂柯江廣數里出番禺城下蒙歸至長安問蜀賈人賈人曰獨蜀出枸醬多持竊出市夜郎夜郎者臨牂柯江江廣百餘步足以行船南越以財物役屬夜郎西至同師然亦不能臣使也蒙乃上書說上曰南越王黃屋左纓地東西萬餘里名爲外臣實一州主也今以長沙豫

往水道多絕難行竊聞夜郎所有精兵可得十餘萬浮船牂柯江出其不意亦制越一奇也誠以漢之強巴蜀之饒過夜郎道爲置吏易其上計之乃年蒙爲中郎將將千人食眾萬餘人從巴蜀犂關入邊見夜郎侯多同蒙厚賜喻以威德約爲置吏使其子爲令夜郎旁小邑皆貪漢繒以爲漢道險終不能育也乃且聽蒙約還報乃以其地爲犍爲郡治僖時武帝建元六年也元光五年夏發巴蜀卒使蒙治道自犍道指牂柯江吏卒千人郡又多爲發轉漕萬餘人有逃亡者用軍興法誅其渠帥巴蜀民大驚恐上聞之

乃使司馬相如責蒙因諭告邑蜀民以非上意相如
未至蒙以踰年道不通執焚道令將斬之令歎曰不
官蜀士恨不見成都市蒙卽令送成都市而殺之乃
乃斬石通閣道故世爲諺曰思置郵斬令頭相如至
蜀爲文以諭巴蜀父老還報唐蒙已畧通夜郎因益
發巴蜀廣漢卒作者數萬人以蒙爲犍爲都尉竊南
夷道道通皆置郵亭相如又言於上云西夷卑侏可
置郡上又使相如以中郎將往喻皆如南夷爲置一
都尉十餘縣屬蜀蒙旣治南夷道戍又通西夷犍爲
餉二歲道不通士罷餓離溼死甚衆西南夷又叛及

發兵與擊耗費無功上患之使公孫宏往視問焉還
對言其不便元朔二年宏爲御史大夫時方築方城
以據胡宏數言西南夷害可罷專力事匈奴其秋上
爲之罷西夷獨置南夷夜郎而縣一部尉稍令犍爲
自葆就馳義侯遺郭昌備廣皆平南夷將也遺趙人
降漢爲馳義侯昌廣皆中郎元鼎六年南越王反遣
四將軍征之別遣遺將巴蜀罪人囚犍爲發夜郎且
蘭兵下牂柯江會番禺且蘭君恐遠行旁國虜其老
弱乃與其眾反殺使者及犍爲太守遣擊破之會南
越已破遺兵未及下帝因令遣征南夷於是遣及昌

廣八校尉兵引還誅且蘭君遂平南夷置牂牁郡
郎侯始倚南越南越已滅且蘭又誅夜郎牁郡入朝
帝以爲夜郎王牂牁遂定昌雲中人漢書開衛青
興霸牂牁郡初建霸爲太守初夜郎有竹王者興
遯水有一女子浣於水濱有三節大竹流入女子足
間推之不肯去聞有兒聲取持歸破之得一男兒長
養有才武遂雄夷狄代苴氏有夜郎自號爲王以
爲姓女子捐所破竹子野亦成竹林王與從人嘗
大石上命作羹從者曰無水王以劍斫石水出燉石
存焉後漸驕恣虐蒙之爲都尉也諸種侯王服從惟

竹王偏疆因斬之別立他族爲侯及霸爲太守夷濮
而城威訴竹王非血氣所生求立後嗣霸表封其三
子皆爲侯夷濮始安

陳立字少遷蜀郡臨邛人也初官連然長不卒令
夷長久之爲金城司馬成帝河平中夜郎王興與
鈞間王禹漏卧侯愈更舉兵相攻牂柯太守請發兵
詠興等議者以爲道遠不可擊乃遣大中大夫蜀郡
邊臣持節和解興等不從命刻木象漢使立道旁射
之杜欽說大將軍王鳳選任職太守鳳于是遣立又
遣中郎將何霸出而以爲應援立至牂柯諭告夜郎

王興興不從命立請誅之未報乃從者數十人出至縣至興國且同亭召興興將數千人往至亭從者數十人入見立立數責因斷頭邑君曰將軍誅官賊爲民除害願出曉士眾以興興頭示之皆釋兵降的町王禹漏卧侯俞震恐入粟千斛及牛羊勞土立還歸

部興妻父翁指興興子邪務收餘兵迫脅旁二十二邑反至冬立奏募諸夷與都尉長史分將攻翁指等翁指據阬爲壘立使奇兵絕其饗縱反間以誘其眾都尉萬年曰兵久不決費不可供引兵獨進敗走之立營立怒叱戲下令格之都尉復還戰立引兵救之

天大旱立攻絕其水道蠻夷共斬翁指持首出降
立已平夜郎威震南蠻頃之徵詣京師會巴郡有盜
後以立爲巴郡太守秩中二千石賜爵至庶長徙爲
天水太守勸民農桑爲天下最賜金四十斤入爲左
曹衛將軍護軍都尉卒

謝還哀平之世爲牂柯郡功曹王莽篡位改漢制改
鈞町王郡爲侯郡怨恨牂柯大尹周欽詐殺郡弟
永攻殺欽州郡擊之不能服三邊蠻夷愁擾盡反莽
復更郡名曰同亭郡人不服會公孫述起三蜀大姓
徒傳尹董諸氏皆南犇遲遂與諸大姓共保郡時益

州太守文齊亦不服述遲聞漢世祖在河北乃遣使
出番陽江奉貢漢朝齊亦遣使山交阯郡貢獻世祖
爲之號遲爲義郎而封齊爲成義侯

張亮則字元修南鄭人也爲牂柯太守賊磐南上承
昌越徭夷謀反畏亮則臨其郡相議而止號曰外虎
後以戍北遷護羌校尉徵拜扶風又守桂陽皆盜
賊巴郡板循反拜隆集校尉鎮漢山徙梁州刺史又
爲魏郡太守所在稱治袁紹表爲中郎更不就曹拜
爲度遼將軍

劉廙字世信綿竹人也出自孤微以明公羊春以上

出關下見除成都令政教明肅時諸縣多難治乃換
旌爲郫令又改郫安漢皆著功績還莅成都遷郫
太守初乘一馬之官布衣疏食儉以爲教居郫九年
來之而還吏人爲之立銘王商陳實當世賢士皆與
爲友按華陽國志蜀志任劉應南中志光賢實作何
國志讀口超類
狀本實惟世信

賈詩字公舉號爲南安人也劉璋時爲綿竹令先主
取綿竹時詩先舉城降成都既定先主領益州牧以
詩爲督軍從事出爲犍柯太守還爲州前部司馬以
詩先主稱尊號左遷永昌從事建興三年隨諸葛亮

南征蔣琬秉政以詩爲諫議大夫卒子家三國志有
傳華陽國志云牂柯郡守垂功名者前有吳霸陳立
似有漢中張亮則廣漢劉龐健爲費詩巴西馬忠皆

著勳烈是詩亦有勳烈於牂柯者惜史志失其實蹟

不得著於牂

牂牁國志云牂牁公舉直凌

馬忠字德信巴西閬中人也少貧外家姓狐名爲後

乃復姓改名忠爲郡吏建安末舉孝廉除漢昌長史

主敗績於虢亭巴西太守閬芝遣忠率兵五千入

補遺關先主還與語謂尚書令劉巴曰雖亡費

得狐篤此爲世不乏賢也建興元年丞相亮開府以

忠爲門下督三年亮入南拜忠爲牂柯太守永昌
朱褒叛亂之後忠撫育卹理甚有威忠八年召爲永
相參軍副長史蔣琬署留府事又領一治中從事十
一年代張翼爲康降都督平劉胄加監軍奮威將軍
封博陽亭侯故都督常駐平夷縣至是乃移治臨邛
開復越嶲郡就加安南將軍進封彭鄉亭侯延熙五
年入朝加拜鎮南大將軍七年罷成都平尚書事旋
歸南十二年卒忠爲人寬濟有度量但取聞大笑忿
怒不形於色然處事能斷威恩並立是以蠻夷畏而
愛之及卒莫不自致喪庭流涕盡哀爲之立廟三國